

Landesbibliothek Oldenburg

Digitalisierung von Drucken

Primae Lineae Doctrinae De Protestatione Cambiali

Hufeland, Gottlieb

Jenae, 1799

VD18 12256064

§. 30.

urn:nbn:de:gbv:45:1-8845

exhibitum. — Aliam sententiam secuti sunt negotiatori res anno 1718 *), id quod LEYSERO non innotuit, quamquam responsum scabinorum Lipsiensium maxime memorabile in eadem causa prolatum opinioni suae contrarium ipse suae observationi annexuerit. Nihil certe in universum evincunt LEYSERI rationes. Provocat ad §. 6. ordinationis cambialis Lipsiensis; sed tum negotiatorum Lipsiensium collegium in laudo priori, tum scabini in responso citato, de singulari quodam et dissimili casu ibi sermonem esse, optime edocent. Provocat ad necessitatem protestationis propter non factam solutionem a legibus impositam; sed quanquam istae leges indefinite loquantur, tamen ad literas cambiales, ad quas acceptatio accesserit, aperte restringendae sunt. Aliud argumentum, „posse scilicet eum, qui in literis cambialibus solvere jussus fuit, et si acceptatio facta non sit, tamen die solutioni destinato solvere;“ minus adhuc evincit; non enim de possibilitate vel permissione, sed de obligatione solutionis quaeritur; is vero, qui non acceptavit, ex cambio nullo modo est obligatus. Accedit, omnia ista argumenta plus probare quam probare debeant, cum ex illis sequeretur, in omnibus casibus, non vero propter solam abuentiam, dupli protestatione opus esse.

§. 30.

Mihi quidem ista quaestio, nisi plura distinguis, solvenda esse non videatur. Primum enim de cambiis irregularibus s. platearum (*Aufsermesswechsel*) videndum. Ex his terminus solutionis aliarum a die literarum visa-
rum, aliarum vero a die literarum datarum pendet. **)

Ap-

*) Siegel corp. j. camb. P. II. parere 102. pag. 122.

**) In cambiis a uso idem vel priori vel posteriori modo determi-
natum est.

Apparet in prioribus tempus solutionis non nisi post factam acceptationem certum et definitum esse; ergo nulla acceptatione facta nec tempus, quo solutio sit exigenda, habes, ideoque una saltem protestatio sufficit, nihilque porro expectandum esse censeo. In cambiis vero *a dato* solvendis nullum est ex eorum natura tempus praesentationis definiendum, modo ne id post tempus solutioni praefixum fiat. Protestatione ergo prius opus non est, nisi tempore solutionis. Hoc ergo exspectari potest, et iterum protestatione simplici contenti esse possumus. Omnino vero plures ordinationes cambiales etiam cambiis *a dato* certum praefigunt praesentationis facienda et acceptationis postulandae terminum. Sed tum quoque sola circa tempus praesentationis facta protestatione omnia absoluta esse videntur; quanquam cambium ad tempus solutionis usque retinere possit possessor, exspectans a forte traxatus adhuc veniat et solvat. Illum vero et tempore solutionis absentem fuisse ut denuo probet, non est obligatus. Mutatio enim, id est in hoc casu adventus traxati, non praesumitur et quod reliquum est, ipsi transfanti incumbit, ut acceptationem tempore legitimo faciendam curet. — Idem fere in omnibus nunc de cambiis nundinarum dixerim.

§. 31.

c) Circa instrumenti cambialis acceptati redditionem.

Et haec quidem hactenus de casibus circa acceptationem et solutionem obvenientibus. Restat vero tertium quid protestationem efflagitans, de quo nemo fere jureconsultus, qui de cambiis exposuit, mentionem fecit; cuius expositionem tamen iterum praecepit STEVENUS debemus. Tangit istud redditionem cambii vel penitus denegatam vel rei non perfecte adaequatam. More enim

D 3

